

Très saint Père.

J'ay receu les lettres, qu'il a pleu a V^e Saincteté m'escripre, par Mons^r l'arcevesque Surrentin, lequel m'est venu trouver en mes pays et m'a faict entendre la charge, qu'il avoit d'icelle.

Dequoy j'ay eu très grand contentement, et me tiene heureux d'avoir cogneu la bonne affection et bienveillance, que icelle a envers moy. N'ayant voulu le laisser passer sans l'accompagner d'un mot de lettre pour remercier V^e Saincteté le plus humblement qu'il m'est possible de l'honneur et bonne visitation qu'il lui a pleu me faire, et l'asseurer que je désire et veux demeurer toute ma vie très humble et très obéissant fils de l'Eglise et du S. Siège et perséver[ér] en ceste volonté dévotion et obéissance, comme ont faict mes prédécesseurs. Vous suppliant très humblement le vouloir ainsi croire, et que je seray toujours prest à la faire paroistre par effect à toutes occasions, qui se présenteront. Aydant le Créateur, que je supplie Vous maintenir et conserver en santé.

Très Sainct Père, très heureuse et très longue vie.

Ce XII^e May 1566.

Votre très humble et très obéissant fils.